

قانونی مجلس  
 بونول او ملات مجلیسی  
 ضبط مجری لایحہ

قرق بشنجی انعقاد

۱۶ شباط ۱۹۲۸ پر شنبہ

مندرجات

صفحہ	صفحہ
۲۱۱	۱ — سابقہ ضبط مہر و صحتی
۲۱۱	۲ — موالد ابریلین اوران
۲۱۱	۳ — ریاست دیوانک لہیت عمومیہ و مہر و صحتی
۲۱۱	۱ — ضابطہ صحتی حیوانیہ قانونی لایحہ سنک انتاج
۲۱۱	۲ — ایڈیلہ مہمسی اسپانہ دائر تجارت انجمنی مضبطہ سی
۲۱۱	۳ — اصلاح حیوانات قانونہ بعض مواد تذبیلی
۲۱۱	۴ — حقتندہ ۱۳۳ نومرولی قانون لایحہ سنک اعادہ سنہ دائر
۲۱۱	باش وکالت تذکرہ سی
۲۱۱	۴ — مذاکرہ ابدالوں مواد
۲۱۱	۱ — احمد اوغلی محمد حقتندہ دیوان حرجیہ ذہولاً
۲۱۱	۲۰۸ — ویرلش اولان محکومت قرارینک رفعنه دائر ۱۳۳ نومرولی
۲۱۱	قانون لایحہ سی وعدلیہ انجمنی مضبطہ سی
۲۱۱	۲ — عثمان اوغلی محمد علی حقتندہ دیوان حرجیہ
۲۱۱	ویریلن حکمک رفعنه دائر ۱۳۳ نومرولی قانون لایحہ سی
۲۱۱	۳ — قازانچ ویرکیسی قانونک بعض مادہ لرینک
۲۱۱	تعدیلنہ دائر قانونک یکریمی بدنجی مادہ سنک تفسیری حقتندہ
۲۱۱	۱۳۳ نومرولی باش وکالت تذکرہ سی ووبالیہ و بودجہ
۲۱۱	انجمنلری مضبطہ لری
۲۱۱	۴ — ۱۳۳ نومرولی سفر برک قانونی لایحہ سی
۲۱۱	ومدافعہ ملیہ انجمنی مضبطہ سی

# ۱ سابق ضبط خلاصه سی

قرق دردنجی انعقاد

۱۳ شباط ۱۹۲۸ بازار تهران سی

عصمت بکک ریاسترنده بالانعقاد دیوان محاسبات راپورلرینه عائد انجمن جوابلری مذاکره و اوچ فقره سی مالیه و بودجه انجمنلرینه تودیع و دیگر فقراتی محتوی مضبطه لر قبول ایدلدی .

بیله جک مبعوثی دو قنور فیکرت بکک مصونیت تشریحیه سنک رفعه دئر مختلط انجمن مضبطه سی مذاکره و قبول ایدلدی .

بول مکلفیتی قانوننک یدنجی ماده سننک تعدیلی حقنده کی قانون لایحه سی ایکنجی دفعه اوله رق مذاکره و عیناً قبول ایدلدکن صوکر انعقاده ختام ویرلدی .

## ۲ - حواله ایدیلن أوراق

مقامه صریه نیک خریزه صایلیسی حقنده قانونه لایحه سی  
( مدافعه ملیه و بودجه انجمنلرینه )

۶ - مالیه و طانی ۱۹۲۷ - نسی بودجه نه بوز بیک  
ایرا تفصیقات قوی العاده اعطاسنه دئر قانونه لایحه سی  
( بودجه انجمنه )

۷ - مدافعه ملیه و طانی ۱۹۲۷ - نسی بحیه بودجه سنده  
۸۶,۰۰۰ ایرانک منافقنه دئر قانونه لایحه سی  
( بودجه انجمنه )

تذکره لر

۸ - تجارت قانوننک ۳۳۰ نجی ماده سننک تفسیرینه  
دئر باسمه و طالت تذکره سی  
( تجارت و عدلیه انجمنلرینه )

۹ - قانوننک ایکنجی ماده سننک تفسیرینه  
حقنده باسمه و طالت تذکره سی  
( تجارت انجمنه )

لایحه لر

۱ - اردو ، بحیه و زاندره قادرولزی هارچنده  
خبریات دولتمده مستورم موظف ضابطه و عسکری مأمورلری  
حقنده قانونه لایحه سی  
( مدافعه ملیه و داخلیه انجمنلرینه )

۲ - راهلر و عدلیه و طانی ۱۹۲۷ - نسی بودجه سنده  
مناقله اجرامنه دئر قانونه لایحه سی  
( بودجه انجمنه )

۳ - دیوانه محاسبات اعلامیه نیک صورت اجرامنه  
دئر قانونه لایحه سی  
( مالیه و عدلیه انجمنلرینه )

۴ - عسکری تعینات و بیم قانوننک بحیه موارینک  
تعینلی حقنده قانونه لایحه سی  
( مدافعه ملیه و بودجه انجمنلرینه )

۵ - قوای عوم و بده اجرام ایدلر اولاره بحیه



# برنجی جلسہ

امپیر ساعنی

دقیقہ ساعت

۱۴ ۳

[ رئیس — حسن بك ]

کاتب: علی بك (ریزہ) ، نجیب علی بك (دکڑلی)

رئیس — جلسہ بی آچوروم .

ریاست دیوانتک ہیئت عمومیہ معروضاتی وارد .

## ۳ — ریاست دیوانتک ہیئت عمومیہ معروضاتی

اعضا اعضا اعضا اعضا اعضا  
قونیہ سینوب اسکیشہر زونقوداق استانبول  
کاظم حسنی یوسف کمال امین حسنی تریا  
اعضا

مرعش

نورالدین

رئیس — بولایحہنک استردادینہ دائر باش وکالتک  
برتد کرہ سی وارد آوقونہ جقدر . بولایحہ روزنامہ دہ در .

۲ — اصبروح مہیرانات قانونہ ، ہمسہ مراد تہیلی  
مقننہ ۷۳ نومرولی قانونہ بولایحہنک اعادہ نہ دائر باشہ  
رہات مذکرہ سی

بویوک ملت مجلسی ریاست جلیلہ سنہ

اقتصاد وکالت جلیلہ سندن یازیلان ۱۴ شباط ۱۹۲۸  
تاریخ و ۳۹۸ نومرولی تذکرہ دہ ؛ صامسون وجوارندہ موجود  
حیواناتک اہلیاشدیرلسی ایچون ۷ جزران ۱۹۲۷ تاریخ  
و ۹۰۴ نومرولو قانونہ ذیلا تنظیم و ۲۹ کانون اول ۱۹۲۷  
تاریخ و ۳۹۸ نومرولو تذکرہ ایلہ تقدیم قلمان «۵۹۹۵»  
نومرولو قانون لایحہ سنک استردادی رجا اولونمقدہ در .  
مقتضاسنک ایفایسہ و نتیجہ سنک اشعارینہ مساعده

## ۱ — ضابطہ صحیہ مہیرانہ قانونی بولایحہ سنک انتاج

امپیر مامی اسپانہ دائر تجارت انجمنی مضبوط سی

۱۲ - ۲ - ۱۹۲۸

ریاست جلیلہ یہ

۱۰ کانون اول ۱۹۲۷ تاریخندہ ہیئت عمومیہ دن  
محول ضابطہ صحیہ حیوانیہ قانونی لایحہ سی انجمن مزجہ  
تدقیق و مطالعہ اولونمقدہ در . برطرفدن قانون لایحہ سنک  
اوججی مادہ سیلہ تنبیت اولنان معاینہ رسنہ متعلق تعرفہ  
حقندہ بولغارستان ، رومانیہ و بلجیقادہ تطبیق ایدیلن  
اصولار حکومت معرفتہ صورولمش والآن بر جواب  
آلنہ مامش اولماسنہ دیگر طرفدن روسہ مبعوثی رفیق بك  
آقندی طرفدن لایحہنک دیگر موادینہ متعلق تعدیلنامہ  
ویریلہ رك ہیئت عمومیہ دن بوکرہ انجمن مزجہ حوالہ  
بویورولمش اولدیغہ بناہ لایحہ قانونیہنک انتاجی تأخر  
ایتمش بولوندیغی داخلی نظامنامہنک اتوز آلتنجی مادہ سی  
موجبجہ عرض اولونور .

تجارت انجمنی رئیس

بوردرور

مصطفی شرف

کاتب مضطہ بحرری

شبین قرہ حصار کموشخانہ

بولنمدی بولنمدی

۱۴ شباط ۱۹۲۸ بویورلینجی رجا ایلرم اقدم .

باش وکیل

عصمت

۱ صبری بك ( مغنيسا ) - اقدم ، اوقونان تجارت انجمنی مضبوطه سندہ ضابطہ صحیہ حیوانیہ قانونک سبب تاخیری ایکی اولدینی کوسترلدی .

برنجیسی ؟ تعرفه حقنده کی تدقیقاتک تملدیسسی . ایکنجیسی ده ، رفیق بك افندی طرفدن ویریلن لایحه نك تدقیقی .

افندیلر ! بذایة مناسب دوشدیککی زمان عرض ایتدم که ؛ بوقانون حقیقه مملکت ایچون چوق مستعجل چوق لازم اولان بوقانوندر . کورولبورکه قانونک سبب تاخیری باشلیجه تعرفه مسئله سیدر .

افندیلر ؛ بوترعه مسئله سی تدقیقاتی روشن حاله کوره بوسنه اکیال ایدیله میه جکدر . چونکه ، دهانه بلغراددن ، نه صوفیه دن ونه ده دیگر ایسته نیلن حکومتلردن جواب کلمه مشدر . شه سز تا کید ایدیله جکدر ، تخارمه جریان ایدجک ، معلومات طلب اولونا جق در . معلوم عالیکز اوکزده هیئت علیه نك اجتماعی مدتی چوق آزماشدر . تعرفه ایله قانونک دیگر ماده لری آراسنده هیچ ارتباط یوقدر . ناصلسه مالی اولان بوماده مندرج اولدینی ایچون یکی قانونه قونمشدر . بنده کز هیئت - جلیله کزدن رجا ایده حکم ، اگر انجمن ده موافقت بیورورسه بوترعه قانونی بوندن تفریق ایدلم . انجمن بونک تدقیقاتی بیراقسون ، آریجه بر رسوم ، معاینه رسومی اولان بوماده اوبابده کی تدقیقاتک ختامنه تعلق ایدلسون . مادام که قانونک تدقیقی اکیال ایدلمشدر . هیئت عمومی به تقدیم ایدلسین و مذاکره سنه دوام اولنسون ، بونی چوق رجا ایدرم .

صکره رفیق بکک قانونی بر ، ایکی ماده دن عبارتدر . اوقانونک تدقیقاتی تاخیر ایده جک قدر مهم ذکدر . بونک تدقیقاتی آز زمانده اکیال ایدیله رک قانونه علاوه ایدیله بیلیر . حکومتک طلب ایتدیککی قانون ، ضابطه صحیہ حیوانیہ

قانونی دکل ، صامسونده کی آیری بوقانوندر . چوق رجا ایدیورم ، هیئت علیه تنسیب بویورورسه ، انجمنه سویلیلم ، بوقانونی تفریق ایتسین ، قانونک اصلنی کونده رسون بونی اکیال ایدلم . چونکه ، اوکزده کی مجادله ایچون بوقانون فوق العاده لازمدر .

نوری بك (ماردین) - محترم افندیلر ! ضابطه صحیہ حیوانیہ قانونی مملکتک بویوک بر ثروتک محافظه سنه و صیاقته خدمت ایدن بوقانوندر . برکزه امراض ساریه نك اندفاعنه یاردیم ایده جک ، اندفاعنی تأمین ایده جک در . ضابطه صحیہ حیوانیہ قانونی مستعجل بوقانوندر . حالبوکه اوکزده ایلاک بهار کلیور . مناقلات حیوانیہ باشلا به جق و امراض حیوانیہ نك سرایتی دهه فضله وسعت کسب ایده جکدر . اولنک ایچون ضابطه صحیہ حیوانیہ قانونک بر آن اول مذاکره سیله استاجنی تخی ایدیورم . سویلیه حکم بوندن عبارتدر .

رئیس - اقدم ! زراعت انجمنده هنوز تدقیق ایدلمکده اولان قانون ، ضابطه صحیہ حیوانیہ قانونی در . صبری بک افندی بونک تدقیقی دولایسیله تاخیری ایجاب ایدن تعرفه مسئله سنک بوقانوندن تفریقی ایله دیگر موادینک آیری اولارق سوقتی انجمندن رجا ایدیورلر و بونک ایچون تکلیف یاپه جقدر . حکومتک استردادینی طلب ایتدیککی ؛ اصلاح حیوانات قانوننه بعض مواد تزییلی حقنده کی لایحه قانونیه در . حکومتک بوتکلیفی روزنامه ده موجود اولدینی ایچون رایه قویمق مجبوریتده میم .

بواصلاح حیوانات قانونک حکومته اعاده سنی قبول ایدنلر آل قالدیرسون ! قبول اتمه ینلر آل قالدیرسون ! لایحه نك اعاده سی قبول ایدلمشدر .

صبری بکک بر تقریری واردر ، اوقونه جقدر .

ریاست جلیله

ضابطه صحیہ حیوانیہ قانونک معاینه رسمنه متعلق ماده نك تفریقیه قانونک هیئت عمومی به شوق خصوصنک تحت قراره آلماسنی استرحام ایلرم اقدم .

مغنیسا مبعوثی

محمد صبری

رئیس — صبری بکک تقریری رأ یکزه عرض  
ایدیورم افندم. قبول ایدنرال قالدیرسون! قبول ایتمه یئنلر  
ال قالدیرسون! قبول ایدلشدر .

رئیس — تجارت انجمنک بر نقطه نظری وارمی در  
افندم ؟  
انجمن ناهنه مصطفی شرف بک (بور دور) — انجمن  
واقع اولان تکلیفه موافقت ایدیورم افندم .

#### ۴ — مذاکره ای دین مواد

نومرولی قانونک یکریمی یدنجی معدل ماده سنه آشاعیده کی  
فقره تدبیل اولمشدر :

« حکومتجه توزیع اولونان بیاننامه یی هر سنه مالیه  
شباطی غایه سنه قدر طولدیروب منسوب اولدینی مالیه  
تحقیق اداره سنه ویرمه یین مکلفلرک تجارتخانه لرینک ایجار  
بدلاری اوچنجی فقره ده مذکور هیئتلر طرفندن خارجی  
تحقیقابه مستنداً وامثاله قیاساً تقدیر وبوصورتله تحقیق  
ایده جک ویرکیلرینه جزاء یوزده اون بش ضم اولونور .»  
رئیس — تعدیلنامه یوقدر ، رنجی ماده یی رأ یکزه  
عرض ایدیورم ، قبول ایدنلر ال قالدیرسون! قبول  
ایتمه یئنلر ال قالدیرسون! قبول ایدلشدر .

ایکنجی ماده — بوقانون نشری نارینندن معتبردر .  
رئیس — ایکنجی ماده یی قبول ایدنلر ال قالدیرسون!  
قبول ایتمه یئنلر ال قالدیرسون! قبول ایدلشدر .  
اوچنجی ماده — بوقانونک احکامنی اجراه عدلیه ،  
داخلیه ، مالیه و اقتصاد وکیللری مأموردر .

رئیس — اوچنجی ماده یی قبول ایدنلر ال قالدیرسون!  
قبول ایتمه یئنلر ال قالدیرسون! قبول ایدلشدر .  
قانونک هیئت عمومیه سنی رأ یکزه عرض ایدیورم .  
قبول ایدنلر ال قالدیرسون! قبول ایتمه یئنلر ال قالدیرسون!  
قبول ایدلشدر .

۴ —  $\frac{1}{80}$  نومرولی سفیرلک قانونی بوجمسی زمرافعه  
ملیه انجمنی مضبوطه سی [۱]  
رئیس — لایحه نك هیئت عمومیه سی حقیقه سوز  
ایسته یین وارمی افندم ؟ (خایر سسلری) ماده لره کیلمسینی  
قبول ایدنلر ال قالدیرسین! قبول ایتمه یئنلر ال قالدیرسین!

[۱] ضبطک صوکنه مربوطدر

۱ — احمد ارغلی محمد مقننه دیوانه هر بجه زهره  
بربطه ارلان حکومیت قرارینک رفقه دائره نومرولی  
قانونه بوجمسی وعده انجمنی مضبوطه سی [۱]

رئیس — انجمن مضبوطه سی حقیقه مطالعه وارمی  
افندم ؟ (خایر سسلری) انجمن مضبوطه سی قبول ایدنلر  
ال قالدیرسون! قبول ایتمه یئنلر ال قالدیرسون! قبول  
ایدلشدر .

۲ — عثمانه ارغلی محمد علی مقننه دیوانه هر بجه  
بربطه حکمک رفقه دائره نومرولی قانونه بوجمسی  
وعده انجمنی مضبوطه سی [۲]

رئیس — انجمن مضبوطه سی حقیقه مطالعه وارمی  
افندم ؟ (خایر سسلری) انجمن مضبوطه سی رأ یکزه  
عرض ایدیورم . قبول ایدنلر ال قالدیرسون! قبول  
ایتمه یئنلر ال قالدیرسون! قبول ایدلشدر .

۳ — قازانج ویرکیسی قانونک بهضر ماده لرینک  
تعدیلنه دائره قانونک یکریمی برنجی ماده سنک تصدیق مقننه  
 $\frac{38}{100}$  نومرولی باسه ولالت مذکره سی زمانه ر بودجه انجمنلری  
مضبوطه لری [۳]

رئیس — قانونک ایکنجی مذاکره سنه باشلا یوروز .  
قازانج ویرکیسی قانونک بعض ماده لرینی معدل ۲۱ مایس  
۱۹۲۷ تاریخلی و ۱۰۳۸ نومرولی قانونک ۲۷ نجی معدل  
ماده سنه برقره تدبیلنه دائره قانون

رنجی ماده — قازانج ویرکیسی قانونک بعض  
ماده لرینی معدل ۳۱ مایس ۱۹۲۷ تاریخلی و ۱۰۳۸

[۱] ، [۲] ضبطک صوکنه مربوطدر

[۳] لایحه ضبطک صوکنه مربوطدر ورنجی مذاکره سی ده

فرق ایکنجی انعقاد ضبط جریده سنه در

(قرار ویرہ بیلور) کی بر فعل اقتداری ایلہ یازمش اولان نقطہ یی اہیتی بر اثر ضعف اولہرق تلقی ای دیورم .

واضع قانون، سفر برلک قرارینک ویرلسنی؛ بر حرب احتمالی اولماسی ویا مملکتک داخلی وضعیتجہ لزوم کوزاسی کی شرطہ معلق طومتش اولیور . حالبوکہ، بر حرب احتمالی اولدینی ویا خود دولتک داخلی وضعیتجہ لزوم کورولدیکی تقدیردہ سفر برلک دہ نیان حادثہ، اعلانی و اجراسی ضروری اولان بر فعل حالہ انقلاب ایدہر . اجرا وکیللری ہیئت یی بویلہ بر احتمالی کورور . یا خود داخلی وضعیت ایجابی اولہرق عسکرک سفر بر حالندہ طوپولانسسی لزومی تقدیر ایدرسہ سفر برلکہ فعل اقتداری ایلہ، «یاہ بیلیر» کی بر تلقی ایلہ قرار ویرہ جک دکلدہر . بالعکس «یاہار»، «قرار ویریر» شکندہ، تطبیقات و فعلیاتدہ قطعیت افادہ ایدر بر شکل ایلہ قرار ویرہ جکدر . شونی دہ عرض ایدہیم کہ : «بو قرار ویرہ بیلیر» ضعیفی و بندہ کزک بو معروضاتم انجمندہ بولونان بعض آرقداشلرکدہ نظر دقتی جلب ایتمس در . بویلہ اولقلہ برابر بو تعبیرک بورادہ اہا ایدمش اولسنک سببی شو صورتلہ ایضاح ای تبدیلر . اساساً دقت بویوریلرسہ حکومتدن کلن «قرار ویریلہ بیلیر» عبارہ سیلہ انجمنک «قرار ویرہ بیلیر» تعبیرلری تقریباً بررینہ بکزرہ . یالکز انجمن جملہنک ترکیبندہ تقدیم و تأخیر یا پارق بو «قرار ویرہ بیلیر» عبارہ سنک افادہ ای تدیکی ضعفک تلافی ایدلسی ایچون بر چارہ دوشوشمشر . فقط بولدینی چارہدہ کافی دکلدہر . اساساً بولایحہ شورای عسکریدہ مطالعہ اولوندینی زمان تماماً قطعیت افادہ ایدہ جک بر حالدہ ایدی . حکومت ، لایحہ حالندہ مجلس عالی یہ تقدیم ایدرکن بو عرض ای تدیکم شکلہ صوقشدر . بونک سببی عبدالحاق بک آرقداشمزہ صوردیغمز زمان شو افادہدہ بولونیدیلر . دیدیلر کہ : جملہنک ترکیبندہ مادام کہ بو قرار ارکان حربیہ عمومیہ ریاستنک مطالعہ و تکلیفیہ دیہ ایکی شقہ معلقدر . بردفعہ تکلیف ایلہ ایسہ حکومت دوغروندن دوغرویہ سفر برلک تکلیفندہ اینسیاتیف آلامش الک عالی مقام عسکری اولان ارکان حربیہ ریاستی،

مادہ لرہ کچیلمسسی قبول ایدلمشدر .

سفر برلک قانونی

برنجی مادہ — بر حرب احتمالی اولدینی ویا مملکتک داخلی وضعیتجہ لزوم کورولدیکی حالدارکان حربیہ عمومیہ ریاستنک مطالعہ سنک انضامی ویا تکلیفیہ سفر برلک اجراسنہ اجرا وکیللری ہیئت یی قرار ویرہ بیلور . اشبو قرار رئیس جمهورک تصدیقی متعاقب موقع تطبیقہ قانونور .

سفر برلکک برنجی کونی اشبو قرارک تصدیقی تاریخنی تعقیب ایدن کونک باشندن یعنی کیجہ یاریسندن باشلار و بو تاریخ سفر برلک اعلاننامہ سندہ آریجہ ذکر اولنور .

رئیس — مطالعہ واری می افندم ؟

رجب نیک (کوتاہیہ) — محترم آرقداشلر! بولایحہنک مدافعہ ملیہ انجمنندہ مذاکرہ سی اٹاسندہ بندہ کزماذون بولنیوردم . بالخاصہ برنجی مادہنک مذاکرہ سندہ بولنمادم . عودت ای تدیکم زمان برنجی مادہ انجمنک رأینہ اقران ایتمس اولیوردی . ما بعدینک مذاکرہ سنہ ہب برابر دوام ای تدیک . فقط آرقداشلرک تثبیت ای تدیگری برنجی مادہنک؛ قانونک درجہ اہمیتندہ مهم اولان بر نقطہ سنہ نظر دقت طاقیلدی و انجمنندہ کی آرقداشلرہ بو نقطہ نظریمی عرض ای تدم . فقط انجمنجہ بردفعہ رأینہ قوندینی و قبول ایدلیدیکی ایچون تکرار مذاکرہ سی ایستہمک بولندہ انجمنک اسکی قرارینہ تعارض تشکیل ایدہ جک بر طلبدہ بولنمادم . بو نقطہ یی مهم کوردیکمز ایچون بو عارضہنک بورادن رفع ایدلمسنی ہیئت محترمہ کزدن استرحام ایدہ جکم . برنجی مادہنک برنجی فقرہ سنی او قویایم [ بر حرب احتمالی اولدینی ویا مملکتک داخلی وضعیتجہ لزوم کورولدیکی حالدارکان حربیہ عمومیہ ریاستنک مطالعہ سنک انضامی ویا تکلیفیہ سفر برلک اجراسنہ اجرا وکیللری ہیئت یی قرار ویرہ بیلیر . ] بر دفعہ اسباب موجبہ سنی عرض ای تدمدن اول ، سفر برلک کی بوتون بر دولتک و ملتک حیاتیہ تعلق ایدہ جک بر حادثہنک مرابیم اعلانہ عائد قانوننک متنہ

متننده کی بو ضعف افاده بی قالدی بر سه ق اصابتلی حرکت ایتش اولوروز. (انجمنه کیتسون سسلری) مساعده عالیگری رجا ایده رم. بنده کزجه قانونک عبلره سنده کی «یا بایلیر» فعل اقتدارسی عینی زمانده سلی بر افاده بی ده احتوا ایده بیلیر بر شکلده در :

اگر « قرار ویره بیلیر » دیرایسه ک بونک معناسنده عینی زمانده قرار ویره یه بیلیر معناسی ده بنده کزجه وارددر. اساس اولان، صورت قطعیه ده حکومتک ویره جکی قراردر. بونی صورت واضحه ده تثبیت ایتدکن وارکان حربیه تکلیف ایده رسه حکومتک مطلقا بونی قبوله مجبور اولمادیغی ورد ایتک حقنه مالک اولدیغی واضح و بارز صورته آ کلاشیلدقن صو کرا « قرار ویره بیلیر » طرزینک « قرار ویریر » شکلنه انقلاب ایتدیرلمسی بنده کز قانونک معناسنده قطعیت افاده ایتک نقطه سندن لزومی وفائده لی عداید یورم. معروضاتم بوندن عبارتدر. حکومت، ارکان- حربیه نک تکلیفی سفر برلک اعلانی لازمدر دیه نه قادر قوتلی بر طلب واسباب در میان ایدیلیرسه ایدلسون قبول ایتکه هیچ بروقت مجبور دکلدر. قبول ایدوب ایتمه مک، اعلان ایدوب ایتمه مک حتی، بوتون مسئولیت اوزرنده اولان حکومتک عهده سنده در. بناء علیه بونقطه، وضوحله آ کلاشیلدقن صو کرا « قرار ویره بیلیر » طرزنده کی ضعفک ازاله ایدلمسی و بناء علیه « قرار ویریر » شکلنده اولمسی رجا و عرض ایدیورم. اگر آرزو بویوریرسه هیئت محترمه کندی فیکر لرینی سویلیه بیلیر لر .

رئیس - حکومتک نقطه نظری نه در افندم ؟

مدافعه ملیه و کیلی عبدالحالق بک - لایحه قانونیه شورای- عسکری ده مذا کراه ایدیلیر کن رجب بک افندینک بویوردقلری کبی « قرار ویره بیلیر » شکلنده ایدی . حکومتجه مذا کراه ایدیلیرکی زمان ده ینه رجب بک افندینک ایضاح بویوردقلری وجهله بوشکلده کی افاده نک ارکان حربیه طرفندن واقع اولاجق تکلیفک حکومتجه همه حال قبول و سفر برلک اعلان ایدلمسی مجبوریدر معناسنده اوله جفی فیکری گلشدی. اونک ایچون صوک سوزک حکومتک اولدیغی افاده ایتک

سفر برلکک اعلانی لزومی کورمش و حکومته تکلیف ایتش دیمکدر. ایکنجی شقه کلهجه مطالعه سنک انضامی شرطدر موضوع بحثدر . چونکه سفر برلک اعلانه لزوم کورمک اینسیاتی، بوسفر، دوغرودن دوغرویه اجرا وکیلاری هیئتندن ویا اجرا وکیلارینه منسوب برذاتک تکلیفی ایله اجرا وکیلاری طرفندن کلپور دیمکدر که او تقدیرده ده وقت حضرده الک عالی بر مقام عسکری اولان ارکان حربیه - عمومیه نک مطالعه سنی الملق ایجاب ایدر . شمدی اگر اینسیاتی، حکومتدن کلپور بالعکس ارکان حربیه عمومیه ریاستی طرفندن تکلیف ایدیلورسه اوزمان ، « حکومت قرار ویره بیلیر » دیه بر فعل اقتداری قوللا نماز، ارکان حربیه تکلیف ایتدیکی زمان حکومت مطلقا سفر برلکی قبول ایدر کی همرمعی چیقار . بناء علیه بوندن تحذیر ایتک ایچون « قرار ویره بیلیر » شکلنی قویمده حکومت ضرورت کورمشدر طرزنده انجمنده مطالعه در میان ایتش لردر . بنده کزجه حکومتک بوملاحظه سی وارددر. سفر برلک کبی برایشی بر قانون ایله تثبیت ایدر کن اونک ایچنده سفر برلکی ارکان حربیه ریاستی ، تکلیف ایتش ایسه حکومت همه حال بوکا قرار ویروب اجرا ایتکه مجبوردر کبی بر معنایی قانونک متنه وضع ایتک البته موافق برشی دکلدر . چونکه ارکان حربیه عمومیه ریاستی ، دولتک مقدراتیله علاقه دار بر مقام عالی بر مقام اختصاص اولقله و اونلرک تکلیف لری قیمتلی بولونقله برابر سفر برلک کبی چوق مهم بر حادته نک اعلان وعدم اعلانی مسئولیتی حکومتک عهده تحمینه بولونقم کرکدر . بناء علیه ارکان حربیه تکلیف ایتش ایسه نه قادر معقول و قطعی اسباب موجب در میان ایتش اولورسه اولسونینه حکومتک سفر برلک اعلان ایتک ویا ایتمه مک حتی محافظه ایتسی محققدر . یالکیز بنده کز انجمنده بولونقم و بر آرقداشکز اولمق صفتیله دیورم که سفر برلک اعلانی ارکان حربیه تکلیف ایتش ایسه حکومتک بونی مطلقا قبول ایتسی ضروری اولمادیغی نقطه سنی صورت واضحه ده قطعیه ده ضبطه کچروب تثبیت ایتدکن صو کراه ماده نک

بند کزده موجوددم . بوندن دولای فکرمی بوراده  
عرض ایده حکم . برنجی فقره نك ایلک جمله سی تدقیق  
بویوریلیرسه کوریلیرورکه بر مقدمه شکننده در . اصل ماده به  
مؤثر اولان ایکی فقره وارددر . اوده ارکان حربیه عمومیه نك  
انضمام موافقتی و یا خود تکلیفی .

شیمدی ماده نك نهایی کرک بو مقدمه بی ، کرک  
مندرجاتی انتاج ایده بیله حک نهایی شوایکی شقه تمامیه توافق  
ایتمک مجبوریننده در . بناء علیه کرک ارکان حربیه عمومیه نك  
انضمام موافقتی وبالخاصه تکلیفی حالنده حکومتک سفر برک  
اعلاننده سربستی حرکتی محافظه ایده بیلمسی ایچون بوشکلک  
ویرلمسینه بنده کزجه ضرورت قطیه وارددر . بونی یالکز بویله  
ضبطارده واضحاً هر هانتکی بر تکلیف قارشوسنده  
سفر برک اعلاننده سربست اولدغنی سویله رک قانونلر  
اصل معتبر اولق لازمکن ، اصل حکم قطعی بی حانز  
اولسی لازمکن صراحتی باشقه شکله قوبغه بنده کزجه  
امکان یوقدر . بناء علیه بنده کنز اول و آخر وکالتک  
و حکومتک فکراً مطابق اوله رق در میان ابتدکی ماده نك  
قبولنی رجا ایدرم .

ضمیر بك ( آطنه ) — افندم بو ماده شیمدین  
تفسیره محتاج بر وضعیت کایور . ذها ماده قبول ایلمدن  
عادتا آرقداش لر تفسیر ماهیتنده مطالعه لرینی بیان ایستیلر .  
رجا ایدرم بونی انجمنه کوندره لم . تدقیق ایسونلر تکرار  
بزه کتیرسونلر . یوقسه بو ماده قاریش یقدر .

رئیس — افندم ماده صریحدر . مسئله فعل اختیار یله می  
اولسون ، فعل وجوب یله می اولسون دن عبارتدر .  
تفسیر مسئله قارشوسنده دکلز .

رجب بك ( کوتاهی ) — افندم محی الدین بك  
انجمنده ماده بی تثبیت ایدن دیگر رفقالتک « قرار ویره بیلیر »  
افاده سنده دوشون دکاری تقاطی تفصیل بیوردیلر . بنده کز  
محافظه ایتمک نقطه نظر حقنده آرقداش لریمی آیریمجه تنویر  
ایتمکی لزومی کوردم . حقیقه بوقانون اوله بر قانوندرکه  
سفر برک کبی بوتون دولت وملتک مقدراتنه تعلق ایدن  
بر حادته تورکیه ده ناصل جریان ایده حک ، ناصل اعلان

ایچون قرار ویرر شکننده دکل قرار ویره بیلیر شکننده  
قبول ایلمشدر .

هیئت جلیله لکر « قرار ویرر » شکننده اولدغنی  
تقدیرده بنه صوک سوزک حکومتده قاله جغه قناعت حاصل  
ایدرسه بزم ایچون محذور یوقدر . یوق ، صریح اولسی  
لازمکیورسه اوزمان بوشکلک قالمسی لازمدر .

عونی بك ( یوزغاد ) — بر سؤال صوره جیم : برنجی  
ماده ده ؛ بر حرب احتمالی اولدغنی ویا ملکیتک داخلی  
وضعیتجه لزوم کورولدیکی حالده ارکان حربیه عمومیه  
رئیس نك مطالعه سنک انضمامی دینور . بو ، « مطالعه »  
بگه سنک احتوا ایتمدیکی معنا مثبت ده اولایلیر ، منی ده  
اولایلیر . مثبت اولدغنی تقدیرده نتیجه به اصل اولونه بیله .  
جکدر . فقط ارکان حربیه عمومیه ریاسق سفر برلکه  
لزوم یوقدر دیرسه اجرا وکیللری هیئت لزوم وارددر  
دیبه بیله حکمی . لزوم وارددر دیرسه ای . فقط لزوم  
یوقدر دیدیکی وقت وضعیت نصل اولاجقدر ؟

مدافعه ملیه وکیلی عبدالخالق بك — وضعیت عمومیه نك  
کورولسی هر حالده حکومتده هانددر . ارکان حربیه عمومیه  
معین اولان وضعیت کورور . خارجی ویا دیگر وضعیت  
عمومیه بی تقدیردن دوشردن دوشردن دوشردن مجلسه قارشوی  
حکومت مسؤلدر .

محی الدین نامی بك ( بتلیس ) — افندم سفر برک  
کبی حقیقه ملکیتک بوتون حیات منساعیسنه و بلکه  
مقدراتنه بیله تأثیر ایده بیله حک بر حادته نك شکل اعلانی ،  
ماهیتنی ایلک دفعه مضبوط ومدون بر قانونه ربط ایتمک  
حکومت جمهوریه مزه نصیب اولویور . شیمدی به قدر  
المزده بویله اساسی بر قانون موجود دکادی ؛ عصر لرجه  
کلوب کیدن حکومتلر بو اساس اوزرنده دوشونمه مشلر  
یعنی تصادفه براقشدردر . بناء علیه سفر برک قانونی اوزرنده  
نه قدر اعمال فکری ایلمسه بیهوده اولماز ظننده میم .

رئیس — برنجی ماده حقنده سویله ییکز .  
محی الدین نامی بك ( دوامله ) — شیمدی برنجی  
ماده ده « قرار ویره بیلیر » شقنی مدافعه ایدنلر آره سنده



بو تقدیر دہ قانون یوقاریدہ کی شرطہ تعلق ایتد کدن سو کرہ وشو، شواحوال واقع اولدینی زمان دیہ ذکر ایتد کدن سو کرہ اوکا ویرہ جکی وظیفہ نک دہ بونی یاپار طرز ندہ واضح اولسی لازمدر . چونکہ ، بر نقطہ یہ آرقداشلریمک نظر دقتلرینی جنب ایدہ حکم : معلوم عالیکز، دنیادہ ہیچ بر شخص ، ہیچ بر ہیئت پایدار دکدر . ہیچز ، نایاب کولنک لردن عبارتزر . بزرا کلوب کچرز . فقط ، اور تادہ آصلار ، منتر قالیر . حکومتلرک ، دولتلرک ادارہ سی بویله نازک صفحہ لره انتقال ایدوبدہ ، سفر اعلان ایدلسونمی ، ایدلمه سونمی دیہ کوروشولدیکی زمان ، بوکا قرار ویرہ جک وضیعت ومسئولیتدہ بولونان ذواتک اعصابی اوزر ندہ دستورلرک ، افادہ لرک شکللرک دائما تأثیری اولور . اطرافیلہ تصور ایدہ بیلدیکم وینہ اطرافیلہ ہیئت - محترمه کزہ عرض ایتمک چالیشدیغم بوشکلی یعنی ، دہ مین عرض ایتدیکم وجہلہ ہیچ بروقت ہیئت مسؤلہ حکومت ہیچ بر ذاتک و ہیچ بر مقامک تکلیفی آلتندہ ضروری اوله رق برقرار ویرمک مجبوردر کی بر معنا آکلاشلما مق شرطیلہ حرب وقوع بولور سه اعلان مجبور اولدینی سفر برلکی بر فعل اقتداری ایله یاپایلیر ؛ شکلندہ حل ایتمک طرفدار دکلم . قطعیت افادہ ایدر بر شکلدہ حل ایتمک اصابتلی اولدیغنه قائم . بو خصوصہ تعدیلنامہ می تقدیم ایدیورم .

عبداء بک ( طرزون ) — بر سؤال صوراجتم .  
رجب بک ( کوتاهیہ ) — مساعده بویوریکز ، بندہ کز انجمن نامہ سویله میورم .  
عبداء بک ( طرزون ) — انجمن دن صوراجتم ؛ شمدی یہ قدر قانون منتر ندہ غیر مسؤل مقاملرک ذکر ی واقع دکدر . دوغریدن دوغرویہ مسؤل مقام کیم ایسه اوز کرایدیلیر . برنجی مادہ دہ ارکان حربیہ عمومیہ نک مطالعہ سی بر شرط اوله رق قویور . سبب ندر ؟  
رجب بک ( کوتاهیہ ) — بر کرہ ارکان حربیہ عمومیہ مقامی ، غیر مسؤل مقامدر طرز ندہ بر تعلق وارد دکدر . ارکان حربیہ عمومیہ مقامی ، تشکیلات دولتدہ معلوم اولان ، هویتی ، ماهیتی ، شکل تعینی ، شکل عزلی تثبیت ایدلمش اولان بر مقامدر .

ایدیلہ جکدر . موافق قرار ی کیمدن ، نصل کله جکدر . بو اساسلری تثبیت ایدن بر قانون اولق اعتباریلہ بونک ہیچ بر نقطہ سندہ ماشتاب اولیہ جق صورتدہ اولغون بر شکلدہ مجلس عالیدن چقمسی ایچون ہمیزک فکر لر مزی سویله مہمز صورت مخصوصدہ بر وظیفہ تشکیل ایدر . شیمدی آرقداشلر مادہ نک باشی « بر حرب احتمالی اولدینی » عبارہ سیدر . مادہ نک ، جملہ معترضہ افادہ ایدر ماهیتدہ اولان قسملرینی طی ایدوب عبارہ بی نہایتہ باغلا یه رق عرض فکر ایدہ حکم : « بر حرب احتمالی اولدینی حالده اجرا وکیللری ہیئت قرار ویرہ بیلیر » بر حرب احتمالی اولدینی تقدیر دہ آرقداشلر : سفر برلک دینن حادثہ لازم الاتباع ولازم التطبيق بر حادثہ ماهیتنی آلیر . بر حرب احتمالی موضوع بحث اولدینی زمان سفر برلک اعلان ایدیلہ بیلیر و قرارہ اقتران ایدیلہ بیلیر و عرض ایتدیکم کی فعل اقتداریلرک دائما سلبی معنایی افادہ ایتملری طبیعی اولدیغندن بر حرب احتمالی اولدینی زمان سفر برلک اعلان ایدیلہ بیلیر کی ضعف افادہ ایدیلہ جک بر تعبیرک ، سفر برلک اعلانک صورت اجراسنی تثبیت ایدن بر قانونک متنندہ بولونما سندہ بندہ کز مہرہانکی بر آن ایچون بر تعلق بر تفسیر فرقی یوزندن بومملکت ایچون بر ضرر کوسترمک احتمالی در پش ایدیورم . محی الدین بک و دیگر آرقداشلرم و ہیئت عمومیہ کز بو معروضاتمہ رغماً بوندہ بویله برشی اولمادیغنی تلقیسنده بولنور سه ایشک مہ طرفی مطالعہ ایدلد کدن صکرہ اصابتلی اولان نتیجہ یہ طبیعی صورتلہ واریلابیلیر . فقط بوتون آرقداشلرک خاطرہ سنی تحریک ایدہ رک عرض ایدرم کہ ؛ بوتون قانونلر دہ « یاپایلابیلیر » ، « ایدیلہ بیلیر » طرز ندہ یازلمش اولان حکملر دائما ودائما « یاپایلیہ بیلیر » « ایدیلہ بیلیر » معناسندہ آلتق اعتیادیدر . بو ، اصل اوله رق ، بر صرف مسئلہ سی اوله رق دائما ذہنہ تبادر ایدن بر مسئلہ در .

سفر برلکی ، یاپایلی لرومی مسؤل بر ہیئتک ذہندہ تبلر ایتدیکی آندہ ، یینہ او ہیئت طرفسندن اجراسنی الزم بر وظیفہ و بر حادثہ اوله رق تعلق ایتمک ایجاب ایدر . قانون بونک اجراسنی شرطہ تعلق ایتد کدن سو کرا

عبدالله بك (طرز زون) — مجلسه قارشو ؟  
 رجب بك (كوتاهيه) — مجلسه قارشو مسئول  
 اولان حكومت يعنى اجرا و كيللرى هيئتيدر . فقط  
 هيچ برأمرريت ، هيچ بر مقام يوقدر ، مجلسه قارشو مسئول  
 اولماسون . يالكيز دوغريدن دوغرى به دكل ، بالواسطه ،  
 ديكر تشكيلات دولت كبي مسئولدر . مثلا داخله و كيلي  
 . كنديسنه عائد بر قانونده بوسته مدير عموميسنك ، يا خود  
 ماليه و كيلي بك افندى ، كنديلرينه عائد بر قانونده  
 ظابو مدير عموميسنك انضمام مطالعه سنى ايله شويته قرار  
 ويرر ديه . اعتياد يوق ايكن وقت حضرد ا ك عالي  
 بز مقام عشكرى اولان اركان حربيه عموميه نك  
 موافقت و يا خود مطالعه سنك لزومى نيچون قانون متننده  
 ذكر ايديليور طرز زنده بر سؤال وارد اوليور . معلوم عاليكيز ،  
 سفر ديزنه حادثه به بر ملت و مملكتى سخنه جريان ياقمق  
 بويوك بر مسئوليتى موجيدر . سفر اعلاى لازميدر ،  
 ذكيدر ؟ او آن حلول ايتشميدر ، ايمه مشميدر اونى  
 تعيين ايد بيلمك ايچون بوايشده ا ك بويوك اهليت ، وقوف  
 صاحبي اولانلك مطالعه و فكري لرى انضمام ايتمك لازميدر .  
 سفر اعلايه قرار ويره بيلمك ايچون لازم كلن عناصرك ،  
 معلومات و مطالعاتك وقت حضرد طويلا نديغي ، تمر كز  
 ايتديكي مقامات عاليه نك ا ك مهمندن بريسى ده اركان حربيه .  
 عموميه در . اركان حربيه عموميه معلوم عاليكيز ، بالخاصه  
 مجاور دولترك وقت حضرد تشكيلاتلرى و سفره انتقالده  
 او قوتلك نه حاله انقلاب ايد جكلرى و هانكي جهه .  
 لرده ، نه قدر دشمن قوتلرى طويلا ناييله جكي و هانكي  
 حدودلرده محاربه نك قاچ دولته قارشى ، نه شكلده تجلى  
 ايدوب هانكي نتيجهلر ويره بيله جكي طرز زنده كي بوتون  
 مطالعات و سفر برلك اساسلرى تاميله اركان حربيه عموميه ده  
 احضار ايدلمش اولور . شونى ده عرض ايديمكه : بوكونكي  
 تشكيلات مزده بويله بر حادثه اولورسه اركان حربيه عموميه به  
 بويله بر ايشى "صورتى لزومى صراحة" قانونه قويمق عملى  
 اوله رق حتى لازم بيله دكلدر . چونكه : آرقداشلردر خاطر  
 ايدرلر كه ؛ مملكت مزده نه قدر سفر برلك و او كا مشابه نه قدر

مهم حادثه لر جريان ايتمش ايسه بونلر قرار حالنده دكل ،  
 قراردن اولكي و دهاها آز مهم اولان مذاكره سخنه لر زنده  
 بيله اركان حربيه عموميه به اهميتلى بر رأى حقى ، استشاره  
 حتى نخش ايدلمش و او مقامك فى اولان مطالعات و تدقيقاتندن  
 استفاده ايدلمشدر . فقط تور كيه كبي پايدار بر دولتك سفره  
 عائد ايشلرينى تنظيم ايتمك ايچون سفر برلكه عائد  
 قانونى تدوين ايديلور . بو ائشاده اركان حربيه .  
 عموميه نك مطالعه سنى آلتقى بهمه حال لازمدر ،  
 ضرورى بر مقامدر ديه بر قيد قويماز سهق او مقام عرض  
 ايتديكم كبي بو دور و بو اشخاص موضوع بحث دكل بو  
 قانونه دولتك دائمى حياتنده ، سفر ايشنده اركان حربيه نك  
 رأى و مطالعه سنى آلتيه جق كبي بر تلقى حاصل اولور كه  
 بو ، مملكت ايچون چوق آغير حادثه لره ، چوق آغير نتيجه  
 و فاجعه لره سببيت ويرر . چونكه سفر برلك اساسنى ا ك  
 دقيق نقاطنه قدر اركان حربيه بيلير . اوندن صورمق  
 و اونك رأى آلتقى بهمه حال لازمدر . و بوندن ده برشى  
 چيقتماز . چونكه ، بر مطالعه در . آله جق مطالعه دن  
 صوكره ، وضعيتى تعيين ، طبيعتيله حكومه عائددر . چونكه  
 دولتك تشكيلات اساسيه قانونى اجرا و كيللرى هيئتلك  
 بوتون صلاحيت و مسؤليتارنى تثبيت ايتمشدر . بوتون  
 مسؤليت اونكدر . قطعى قرارى او ويرر .

شكرى بك ( چنق قلعه ) — افندم ، سفر برلكك  
 اجراسى ايچون قانون حقنده ايكي جهت درپش ايدلمش .  
 برنجيسى : حرب احتمالى اولسى ايكننجيسى ، مملكتك  
 داخلى وضعيتى ايجابى اوله رق سفر برلكه لزوم كورولسى .  
 بو ايكي وضعيتى ده درپش ايدمك اونك مسؤليتنى  
 در عهده ايدن اجرا و كيللرى در . بناء عليه اركان حربيه عموميه  
 رياستك بو خصوصه حق تقديرى اولماق لازمكدير .  
 چونكه كنديسى قواى سياسيه دن دكلدر . شو حالده  
 تكليف كله سى ، او كا حق تكليف و برمك زانددكللى در ؟  
 رجب بك ( كوتاهيه ) — شكرى بك افندى  
 آرقداشمزك سؤاللرى عبدالله بك افدينك مطالعه لرينه  
 ياقلاشور .

انجمنکزدہ بورایہ اشتراک ایشدر . اکر بویله تکلیف حق بولونمازسه - که ذاتاً صوک قرار هیئت وکیلہ نکدز . ارکان حربیہ عمومیہ نك سفر برك اعلانی ایچون چوق مهم اولان آنلردن بر قسمی ترك ایدلش اولق تهلکسی واردر . اونک ایچون ، سفر وقتنی تقدیر ایتمس اولق ایچون مملکتک خارجیه سی ، ارکان حکومتی ، ارکان حربیه سی بوتون وثائقه صاحب ، صلاحیتدار مقاماتک عینی حساسیتله چالیشوب برقانونله توظیف ایدلسنده بر فائده واردر . فقط هیچ بر ضرر یوقدر . چونکه قرار دائماً هیئت وکیلہ نکدر .

رئیس - بشقه سوز ایسته من یوقدر تقریرلر واردر ، اوقوناققدر :

برنجی ماده نك برنجی جمله سی نهایتده کی ( قرار ویره بیلیر ) تعبیر نك ( قرار ویرر ) طرزنده تعدیلی تکلیف ایدرم .

کوتاهیہ  
رجب

ریاست جلیلهیه

مذاکره سی جریان ایدن سفر برك اعلانی حقنده کی قانونک برنجی ماده سنک برنجی فقره سنده کی اجرا وکیلری هیئتک قرار ویره بیلور جمله سی حقنده کی انجمن رئیس بر رجب بک افندینک بیانانه نظراً بو ماده نك اساسلی بر صورتده مدافعه ملیه انجمنجه تثبیت و تقریری وبعده مذاکره سی ایچون انجمنه اعاده سنه قرار ویرلسنی تکلیف ایدرم . ۱۶ شباط ۱۹۲۸ -

دکزلی  
یوسف

ریاست جلیلهیه

برنجی ماده ده ضعف تألیف واردر . ایکنجی سطرده کی ( حلاله ) کله سی برنجی شق اولان ( بر حرب احتمالی اولدینی ) کله لریله اویغون دوشمبور . ( حلاله ) نك ( تقدیرده ) شکله افرانغی تکلیف ایدرم .

تکیر داغی  
جلال نوری

شکری بک (بچاق قلمه) - او اولکی جملهیه اعتراض ایتدیلر ، بنده کز ایکنجی تکلیف کله سنه یعنی صوکره کی کلهیه تماس ایدیورم .

رجب بک (کوتاهیہ) - بو خصوصده معروضاتده بولنه جغم .

آرقداشلر! بردولتک ارکان حربیه عمومیه سی - مجرد اوله رق عرض ایدیورم - بو عصرده خارجیه نظارتلری نك دائمی اشتغالاتی زمره سندن اولان مسائلك عسکرلك فنی نقطه سنك الك ایجه وخرده تفرعاتنه قدر روزمره بوتون دنیا وضعیتی تعقیب ایدن بر مقامدر . بوتون دنیا وقایمک خارجیه وکالتنک دیپلوماسی وثائق ومعلوماته تعلق ایدن خصوصاتنک باشقه روزمره دنیا حوادثلری نك بواججه نقطه لری اوزرنده دائماً ارکان حربیه عمومیه لر بعضاً خارجیه وکالتی ایله برابر وبعضاً عسکری منابعدن آلدقیری معلوماته استناداً خارجیه وکالتنک بلکه بر آزدها اول ، بعض آن و شرائط داخلنده هوا سی محیطنک مملکت مقدراتنه یکی بر حادنه ترتیب ایتمکده اولدینی احساس ایده بیلیر . یعنی صلح ایچنده یا شادیغمز بر کونک هوا سنده مملکتنک مقدراتنده نه کبی هوالر اسمکده ونه کبی عاقبتلر اولدینی منابع عسکریه دن آلدینی معلوماتک هیئت مجموعه سی هیئت مجموعه سندن آکلایه رق اساسلی بر فکر تثبیت ایده بیلیرز . بزم تشکیلاتمزدہ ارکان حربیه نك آلمش اولدینی بواساسلی فکر نظر دقنه آلیرسه و وقت سفردده - که تشکیلات اساسیه قانونی موجبجهده اولهدر - باش قوماندانلق شخصیت معنویه سی حائز اولان مجلس عالی نامنه رئیس جمهور حضر تلری بووظیفه یی تمثیل ایدرلر ، حضرده ایسه بووظیفه یی ایفا ایدن ارکان حربیه عمومیه ریاستی در ، بو معلوماتده آکلایه رسه کوزو کوزک اوکنده مملکت مقدراتنک هر کونی طرز تجلیسی اوزرنده کمال حساسیتله اعمال فکر ایتمکده بولنان او وضعیت ایچریسنده منور و زیادار یکی حرکت استقامت لری کشف وتمیز قابلیتنده بولنان ارکان حربیه عمومیه جهازینی بو خصوصده صاحب تکلیف قلمنی چوق موافق ، حتی چوق لازم تالق ایتدک وحکومتده اوله تالق ایشدر .



احمد اوغلی محمد حقنده دیوان حربجه ذهولاً ویرلش اولان محکومیت قرارینک رفعنه دأر  
۴۴ نومرولی قانون لایحه سی وعدلیه انجمنی مضبطه سی

تورکیه جمهوری  
باش وکالت  
معاملات مدیریتی  
مقررات شبهه سی  
۴۹۱

۹۲۸ - ۱ - ۲۳

### بویوک ملت مجلسی ریاست جلیله - نه

قسمی سفر برلکده فرار ایدن ۳۱۶ تولدی احمد اوغلی محمد حقنده منسوب اولدینی فرقه دیوان حربجه ذهولاً ویرلش اولان محکومیت قرارینک رفی حقنده مدافعه مدیه وکالت جلیله سنجه تنظیم ایدیلن واجرا وکیلاری هیئتک ۱۸ کانون ثانی ۹۲۸ تاریخی اجتماعنده تذکر و مجلس عالی به عرضی تصویب اولونان قانون لایحه سیله اسباب موجب مضبطه سنک مصدق صورتی لفاً تقدیم اولونمشدر .

مقتضاسنک ایفاسنه و نتیجه سنک اشعارینه مساعده بویورلماسی رجا ایلرم اقدم .  
باش وکیل  
عصمت .

### اسباب موجبه

قسمی سفر برلکده فرار ایلمکله مظنون علیه ۳۱۶ تولدی احمد اوغلی محمدک یدنجی فرقه دیوان حربجه جریان ایدن محاکمه سی نتیجه سنده عسکری جزا قانوننک ۱۲۴ نجی ماده سی موجبنجه بش ماه پرانغه یند ایدیلسنه دأر اعطا ایدیلن حکم منسوب اولدینی قوماندانلقجه بالتصدیق کسب قطعیت ایلش ایسه ده مرقومک کینه سنده قسمی سفر برلکده فرار ایدیکسی محرر اولوب قطعه به التحاق وانتساب ایتدکن صو کره فرار ایلدیکینه دأر برقیدم وجود اولدینی کبی افاده سنده ده قارس ایله مرعش آره سنده خسته لانه رق اثنای راهده قریه سنه صاؤوشدیغنی بیان ایتمکده و دیوان حربجه ده مرقومک افاده واقعه سی قبول ایدلمکده در . بناء علیه عسکری جزا قانوننامه سنک ۱۵۰ نجی ماده سی بوکبی افرادک طا بورلرینه کلدکن صو کره فرار لری وقوعنده نظامیه فراریلری منللو تجزیه اولونه جقلمی محرر اولوب قطعه به قبل الاتحاق وقوع بولان فرار جرمندن دولانی مذکور قانونک ۳۳۳ نجی ماده سنده هم سنلری افراد قدر استخدام اولونه جقلمی مندرج بولونسنه نظراً مرقوم حقنده دیوان حرب مذکورجه بوجه محرر پرانغه بند جزامی اعطاسنده ذهول ایدلیکی . آ کلاشلدیغندن دیوان حرب حکمنک رفی موافق معدلت کورولمشدر .

### قانون

ماده ۱ - قسمی سفر برلکده فرار ایلمکله مظنون علیه ۳۱۶ تولدی احمد اوغلی محمد حقنده یدنجی فرقه دیوان حربجه ذهولاً اعطا ایدلش اولان بش ماه پرانغه بندک جزاسی رفع اولونمشدر .

ماده ۲ - اشبو قانونك اجراسنه مدافعه مليه وكيلى مأوردور . ۱۸ كانون ثانی ۹۲۸

خارجیه وكيلى	داخليه وكيلى	بحريه وکالتی وكيلى	مدافعه مليه وكيلى	عدليه وكيلى	باش وكيلى
دوقتور توفيق رشدي	شكري قايا	مصطفى عبدالحق	مصطفى عبدالحق	محمود اسعد	عصمت
صحيه و معاونه اجتماعيه وكيلى	تجارت وکالتی وكيلى	زراعت وكيلى	نافعه وكيلى	معارف وكيلى	ماليه وكيلى
دوقتور توفيق بك فندی اجتماعيه بولوعمادی	مصطفى رحمی	مصطفى رحمی	ب.ج.ج	مصطفى بجاني	سمران رشدي شكري

۱۹۲۸ - ۲ - ۵

تورکيه  
بو يوك ملت مجلسی

عدليه انجمنی

۲۶ قرار نومروسی

۳۶ اساس نومروسی

### عدليه انجمنی مضبطه سی

ریاست جلیلیه

قسمی سفر رانگده فرار ایدن ۳۱۶ تولدی احمد اوغلی محمد حقنده منسوب اولدینی فرقه دیوان حربجه ذهولا ویرلمش اولان محکومیت قرارینک رفعی حقنده مدافعه ملیه وکالت جلیلیه سنجه تنظیم ایدیلن قانون لایحه سیله اسباب موجب مضبطه سی باش وکالتک ۲۳ کانون ثانی ۱۹۲۸ تاریخ و ۳۶ نومرولی تذکره سیله عدليه انجمنه تودیع ایدیلکله مطالعه و تدقیق اولوندی .

مرقوم محمدک یدنجی فرقه دیوان حربجه جریان ایدن محاکمه سی نتیجه سنده عسکری جزا قانونک ۱۲۴ انجی ماده سی موجبجه بش ماه پرانته بند ایدیلنه دائر اعظا ایدیلن حکم منسوب اولدینی قوماندانقجه بالتصدیق کسب قطعیت ایلش ایسه ده مرقومک کینه سنده قسمی سفر رانگده فرار ایتدیکی محرر اولوب قطعه یه التحاق و انتساب ایتدکن صکره فرار ایدیکینه دائر بر قید موجود اولدینی کبی افاده سنده ده قارص ایله مرعش آره سنده خسته له رق اثنای راهده قریه سنه صا ووشدیغنی بیان ایلکده و دیوان حربجه ده مرقومک افاده واقعه سی قبول ایدیلکده اولسنه و عسکری جزا قانوننامه سنک ۱۵۰ انجی ماده سنده بوکی افرادک طابور لرینه کلدکن صکره فرار لرلی وقوعنده نظامیه فرار یاری مثللو تجزیه اولنه جقاری محرر اولوب قطعه یه قبل التحاق وقوعبولان فرار جرمندن طولای مذکور قانونک ۳۳ انجی ماده سنده هم سنلری افراد قدر استخدام اولنه جقاری مندرج بولسنه نظراً مرقوم حقنده دیوان حرب مذکورجه بوجه محرر ذهولا ویریلان پرانته بند جزاسنک رفعی موافق معدت اوله جنی ذکر اولمده واشبو مطالعه وارد و مصیب کورلمکده ایسه ده محکومیت واقعه نک رفعی ایچون قانون تنظیمنه محل کور یله میوب عفو خصوصی صورتیه جزای مذکورک بر طرف ایدلسی قابل وامثالی حقنده ده اولوجهله معامله اجرا ایدیلکده اولدیغندن مرقوم محمد حقنده کی محکومیت قرارینک بالمله نتایج حقوقیه سنه شامل اولوق اوزره عفو ی خصوصنک هیئت عمومییه عرضه اتفاقه قرار ویرلمشدر .

اعضا	اعضا	اعضا	کاتب	مضبطه محرری	عدليه انجمنی رئیس
قونییه	احسان	آدرنه	اعضا	قوجه ایلی	مصطفى فوزی
توفیق فیکرت	حسن خیری	احمد ساقی	اعضا	صلاح الدین	
			اعضا	اعضا	اعضا
			چوروم	مغله	قوجه ایلی
			منیر	علی نظمی	راغب

عثمان اوغلی محمد علی حقنده دیوان حریجه ویریلن حکمک رفعنه دائر په نومرولی قانون لایحهسی  
و عدلیه انجمنی مضبوطهسی

تورکیه جمهوری  
باش وکالت  
معاملات مدیریتی  
مقررات شعبهسی  
۸۱۴  
۴۶۷

۲۸ کانون تانی ۱۹۲۸

### بویوک ملت مجلسی ریاست جلیله سنه

یوزغاد عسکرلک شعبه سنک ۳۱۷ تولدی عدم اجابت افرادندن عثمان اوغلی محمد علی حقنده دیوان حریجه ویریلن  
حکمک رفعنه متدائر مدافعه ملیه وکالت جلیله سنجه تنظیم ایدیلن و اجرا وکیللری هیئتک ۲۲ کانون تانی ۱۹۲۸ تاریخلی  
اجتماعنده تذکر و مجلس عالی به عرض تصویب اولیان قانون لایحه سنجه اسباب موجبه مضبوطهسی و اوراق متفرعهسی  
لفاً تقدیم اولونمشدر .

باش وکیل  
عصمت

مقتضاسنک ایفاسنه و نتیجه سنک اشعارینه مساعده بویورماسنی رجا ایلرم افندم

### اسباب موجبه

یوزغاد عسکرلک شعبه سنک - ۳۱۷ - تولدی عدم اجابت افرادندن عثمان اوغلی محمد علی حقنده قطعیه حین سوقنده  
وآشای راهده وقوع بولان فراری اوزرینه حقنده مکلفیت عسکریه قانونک ۱۱۰ نجی مادهسی دلاتلیه ۱۰۶ نجی  
مادهسی حکمی تطبیق ایدنک لازمه دن ایکن ذهولاً قطعیه فراریسی کی حربه سوق اولونه رق اوج ماه پرانغه بند  
جزاسنه محکوم و حکم مذکور کسب قطعیت ایلهرک طرق قانونیه به توسل ایله اشبو خطای عدلینک تصحیحینه  
امکان قالمش اولدیغندن مرقوم حقنده ذهولاً خلاف قانون ویرلش اولان دیوان حرب قرارینک عضو طریقیه  
رفعنه مجبوریته حاصل اولمشدر .

عدم اجابت افرادندن عثمان اوغلی محمد علی حقنده ذهولاً ویرلش اولان پرانغه بندک حکمک  
رفعنه دائر قانون

ماده ۱ - یوزغاد عسکرلک شعبه سنک ۳۱۷ تولدی عدم اجابت افرادندن عثمان اوغلی محمد علی حقنده قطعیه  
حین سوقنده و آشای راهده وقوع بولان فرارینه مبنی حقنده مکلفیت عسکریه قانونک ۱۱۰ نجی مادهسی دلاتلیه

۱۰۶ انجمنی ماده سی حکمی تطبیق ایدلک ایجاب ایتدیکندن دیوان حربجه ذهولاً ویرلش اولان اوچ ماه پرانغه بندلکنه متدائر حکم رفع اولونمشدر .

ماده ۲ - اشبو قانون تاریخ نشرندن معتبردر .

ماده ۳ - اشبو قانونک اجراسنه مدافعه ملیه وکیلی مأمورددر .

۲۲. کانون ثانی ۹۲۸	عدلیه وکیلی	مدافعه ملیه وکیلی	داخلیه وکیلی	خارجیه وکیلی
باش وکیل	محمود اسعد	مصطفی عبدالحالق	شکری قایا	دوقتور توفیق رشدی
عصمت	معارف وکیلی	نافه وکیلی	اقتصاد وکیلی	صحیه و معاونت اجتماعیه وکیلی
مالیه وکیلی	مصطفی نجائی بک افندی امضائشانسندمخسته	مصطفی رحمی	دوقتور رفیق بک افندی اجتماعیه بولونمادی	
سراج اوغلی شکری				

تورکیه

بو یوک ملت مجلسی

عدلیه انجمنی

۲۷ قرار نومروسی

۱۶ اساس نومروسی

۱۹۲۸-۲-۵

### عدلیه انجمنی مضبطه سی

ریاست جلیله یه

یوزغاد عسکرلک شعبه سنک ۳۱۷ تولدی عدم اجابت افرادندن عثمان اوغلی محمدعلینک قطعه یه حین سوقنده وائسای راهده وقوعبولان فرارندن طولایی دیوان حربجه ذهولاً ویرلش اولان اوچ ماه پرانغه بندلکنه متعلق حکمک رفته دائر مدافعه ملیه وکالت جلیله سنجه تنظیم ایدیلن قانون لایحه سیله اسباب موجب مضبطه سی واوراق متفرعه سی باش وکالتک ۲۸ کانون ثانی ۹۲۸ تاریخ و ۱۶ نومروسی تذکره سیله عدلیه انجمننه تودیع ایدلکنه مطالعه و تدقیق اولندی .

مرقوم عثمان اوغلی محمدعلینک قطعه یه حین سوقنده وائسای راهده وقوعبولان فراری اوزرینه حقنده مکلفیت عسکریه قانونک ۱۱۰ انجمنی ماده سی دلالتیه ۱۰۶ انجمنی ماده سی حکمی تطبیق ایدلک لازمه دن ایکن ذهولاً قطعه فراریسی کبی دیوان حربه سوق اولنهرق اوچ ماه پرانغه بند جزاسنه محکوم ایدلش اولمغله قرار مذکورک رفعی ضروری اولدیغنه دائر وکالتک اسباب موجب لایحه سنجه سرد اولان مطالعه وارد کورلش و انحق محکومیت واقعه نک رفعی ایچون قانون تنظیمنه محل کوربله میوب عفو خصوصی صورتیه جزای مذکورک برطرف ایدلسی قابل وامثالی حقنده ده بویولده قرار اتخادی متعامل بولیش اولدیغندن مرقوم محمد علی حقنده دخی دیوان حربجه ذهولاً ویرلش اولان اوچ ماه پرانغه بندلک جزاسنک بالجمله نتایج حقوقیه سنجه شامل اولق اوزره عفو ی خصوصنک هیئت عمومی یه عرضی اتفاقله قرار کیر اولمشدر .

اعضا	اعضا	اعضا	کاتب	مضبطه محرری	عدلیه انجمنی رئیسی
قونیه	احسان	چوروم	آنتالیه	قوجه ایلی	مصطفی فوزی
توفیق فکرت	منیر	احمد ساقی	صلاح الدین		
			اعضا	اعضا	اعضا
			ادرنه	مغله	قوجه ایلی
			حسن حیری	علی نظمی	راغب



١٥ نومرولى سفربرلك قانونى لايحهسى ومدافعه مليه انجمنى مضبطهسى

توركيه جمهوريتى  
باش وکالت  
معاملات مديرى  
عدد  
١٧٣

٩ كانون تانى ٩٢٨

بويوك ملت مجلسى رياست جليله سنه

جمهوريت اردوسنك قره، دكز وهوا قوتلرينك سفربرلكى حقنده مدافعه مليه وكالت جليله سنجه تنظيم ايديلن واجرا وكيللرى هيئتلك ٢٨ كانون اول ٩٢٧ تاريخلى اجتماعنده تذكر و مجلس على يه عرضى تصويب اولونان قانون لايحه سيله اسباب موجه مضبطه سنك مصدق صورتى لفا تقديم اولونمشدر .  
مقتضاسنك ايفاسنه ونتيجه سنك اشعارينه مساعده بيورلسنى رجا ايلرم افندم .

باش وكيل  
عصمت

اسباب موجه لايحهسى

عصر حاضر محارباتى يالكز حرب منطقه لرينه انحصار ايتمه مكدده و بوتون وطن اقسامنى ده دائره شموله آلمش بولونمقده در . بواعتبارله بوكونك سفربرلكى ده يالكز اردو و دو تمانك سفربرلكندن عبارت اولمايوب بوتون تشكيلات دولت و افراد ملتى ده يقيندن علاقه دار ايدده جك درجه ده اهميت و شمول اكتساب ايله مشدر . بولزوم و احتياج تأثيريه كرك اردو و دو تمانك و كرك ملتك سفره احضارى نقطه نظرندن بايپامسى ايجاب ايدن خصوصات « جمهوريت اردوسنك سفربرلكى » و « ملي سفربرلك » تعليمات نامه لريله تثبيت ايدلمش و بونلردن باشقه سفربرلك حقنده كى قواعد عموميه ايله هرايكى تعليماتك ماهيتنى ارانه و تأييد ايدن بو قانونك ده وجودينه احتياج كورولمشدر .  
مذكور تعليماتلردن ؛ جمهوريت اردوسنك سفربرلكى حقنده كى تعليمات منحصرأ اردو و دو تمانك سفربرلكندن بحث ايتمكدده و ملي سفربرلك تعليماتى ده هر و كالتك كندى دائره و كالتنه مودوع و وظائفدن سفره نه صورتله حاضر لانسى لازم كلديكى صراحتاً تثبيت و ايضاح ايله مكدده در . بو صورتله اردو و ملتك حربك موقفيتنه و ظرفك استحصالنه معطوف تدابير واجرا آتده متحداً چالشمسى امكانى الده ايدلمش و بوكونك احتياج لارى تحت تأمينه آلمش بولونمقده در . بناء عليه معروض قانونك برآن اول اكتساب قانونيت ايتسهنه احتياج كورولديكى معروضدر افندم .

تورکیه  
بو یوکملک مجلسی  
مدافعه ملیه انجمنی  
۲۰ قرار نومروسو

۱۹۲۸-۲-۸

### مدافعه ملیه انجمنی مضبوطه سی

ریات جلیله

مدافعه ملیه وکالتجه تنظیم ایدیلوب باش وکالت جلیله نك ۹-۱-۱۹۲۸ تاریخ و ۱۳۳۳ نومرولو تذکره سیله انجمنمزه حواله بیوریلان سفر برک قانونی لایحه سی واسباب موجبہ سی مدافعه ملیه وکیلی مصطفی عبدالخالق بک حاضر اولدینی حالده تدقیق ومذاکره اولندی .

سفر برک کبی بوتون دولت وملتق علاقہ دار ایدر مهم برحادثه نك طرز اعلان وشکل جریانی برقانون مخصوصه ربطه ایتمک لزوم وضرورتی آشکاردر . عصر حاضر حربلری برملککتک بوتون حیاتی قوتلرینک متحداً حرکت وفعالیتہ کچمسنی استلزام ایتدیکندن بوکونک سفر برلکی ذمه بالجمله تشکیلات دولت وعموم افراد ملتق یقیندن علاقہ دار ایدن پک مهم وشموللی برکیفیندر . بوسبیلہ بر طرفدن جمهوریت اردوسنک قره ، دکز وهوا قوتلری اقسام وتشکیلاتنده کی استحضارات یاپیلیرکن دیگر طرفدن تکمیل حضر مدتیجه وسفرک ذمه دوامی ائناسننده هر وکالتک کندی دائره وکالتنه مودوع وظائف میاننده سفره نه صورتله حاضر لئق لازمکایدیکی صراحة افاده ایدره حکومتک تشکیلات وشعباتک سفر ایچون نه یولده چالیشه جعنی تعیین وتنظیم ایله مک لازمدر .

بو ایشارک دها وقت حضر دن اساسلی برقانونه معطوف تعلیماتنامه لره استناد ایتدیلمسی مقصدی تأمین ایده بیلیر . انجمنمز سفر برک قانونی لایحه سنک برنجی ماده سنک فقره اولاسنده کی ( اجرا وکیللری هیئتجه سفر برک اجراسنه قرار ویریله بیلور . )

جمله سنده سفر برک قراری اعطاسنه صلاحیتدار مقامک تعیینده محسوس اولان التباسی ازاله وماهیتنی قطعیشدیرمک اوزره ( سفر برک اجراسنه اجرا وکیللری هیتی قرار ویره بیلور )

عباره سنی دها موافق بولش وماده مذکورہ نك فقرات سائرہ سنک عیناً ابقاسنه ایکنجی واوچونجی ماده لری دخی موافق کورہ نك عیناً قبولنه وبالاده معروض تعلیماتنامه لره سفر برلکه تعلق حصدیلہ قانون مخصوصه توفیقاً عالی شورای عسکرینک ده مطالعه سنه عرض ایدیله جکلری طبعی اولمله برابر انجمنمزک اکثریتی ، ماهیت عسکرینک سنی توضیح مقصدیلہ دردنجی ماده نك نهایتنه :

( ایشو تعلیماتنامه لر ارکان حربیه عمومیہ ریاستنک انضمام مطالعه سیله اجرا وکیللری هیئتجه تنظیم اولنور )

جمله سنک علاوه سنه لزوم کورمشدر . عینی ماده ده کی حکومتک تکلیفنده مندرج بولنان ( ملت ) کلمہ سی ، مقصود احضاراتک حکومت دوائر عائدہ سنه تعلق مطالعه سیله ووکیل بکک ده موافقتله طی ایدلمشدر .

بشنجی وآلتنجی ماده لره عیناً قبولنه متفقاً قرار ویرلشدر . عرض اولنور .

رئیس	مضبوطه محضری	کاتب	اعضا	اعضا
کوتاهیہ	استانبول	ارزنجان	ارزنجان	اسکی شهر
برنجی ماده حقدنه هیئت عمومیہ	احسان	عبدالحق	عزیز سلج بک	اسماعیل بسم باشا
عرض اولنه جق مطالعه م وارد			مأذون در	حین امضاده بولو نامشدر

اعضا	اعضا	اعضا	اعضا
بروسه	بیله جک	بتلیس	کوشخانه
اسعد	ابراهیم	محمی الدین نامی	شوکت بک مأذوندر
			جمیل بک مأذوندر

## مدافعة مليه انجمنك تعديلی

سفر برلك قانونی لایحه سی

برنجی ماده — بر حرب احتمالی اولدینی و یا مملکتک داخلی وضعیتجه لزوم کورلدیکی حالده ارکان حربیه عمومیه ریاستنک مطالعه سنک انضمامی و یا تکلیفیه سفر برلك اجراسنه اجرا وکیلاری هیئتق قرار ویره بیلور .  
اشبو قرار رئیس جمهورک تصدیقی متعاقب موقع تطبیقه قونور .

سفر برلكک برنجی کونی اشبو قرارک تصدیقی تاریخق تعقیب ایدن کونک باشندن یعنی کیجه یاریسندن باشلار و بوتاریخ سفر برلك اعلاننامه سنده آریجه ذکر اولونور .

ایکنجی ماده — عیناً

اوچنجی ماده — »

درنجی ماده — سفر برلكه عائد احضارات تکمیل حضر مدتیجه و سفر کده دوامی ائناسنده برنجیسی حکومت تشکیلات و شعباتنده، ایکنجیسی سالف الذکر تشکیلات و شعباتنده کی استحضاراته موازاة جمهوریت اردوسی « قره ، دکز و هوا قوتلری » اقسام و تشکیلاتنده اولوق اوزره ایکی ساحده جریان ایدر .

بونلردن برنجیسی « ملی سفر برلك تعلیماتنامه سی » و ایکنجیسی « جمهوریت اردوسنک قره ، دکز ، هوا قوتلرینک سفر برلكنه دأر تعلیماتنامه » یه توفیقاً اجرا اولونور .

اشبو تعلیماتنامه لر ارکان حربیه عمومیه ریاستنک انضمام مطالعه سیله اجرا وکیلاری هیئتجه تنظیم اولونور .

## حکومتک تکلیفی

سفر برلك قانونی لایحه سی

برنجی ماده — بر حرب احتمالی اولدینی و یا مملکتک داخلی وضعیتجه لزوم کورلدیکی حالده ارکان حربیه عمومیه ریاستنک مطالعه سنک انضمامی و یا تکلیفیه اجرا وکیلاری هیئتجه سفر برلك اجراسنه قرار ویره بیلور .  
اشبو قرار رئیس جمهورک تصدیقی متعاقب موقع تطبیقه قونور .

سفر برلكک برنجی کونی اشبو قرارک تصدیقی تاریخق تعقیب ایدن کونک باشندن یعنی کیجه یاریسندن باشلار و بوتاریخ سفر برلك اعلاننامه سنده آریجه ذکر اولونور .

ایکنجی ماده — سفر برلك باش قوماندانلغک و یا ارکان حربیه عمومیه ریاستنک موافقت و یا تکلیفی اوزرینه اجرا وکیلاری هیئتک قراری و رئیس جمهورک تصدیقی ایله النا اولونور و النا قرارینک تصدیق ایدلدیکی کونک نهایتی تشکیل ایدن کیجه یاریسنده ختام بولور .  
اوچنجی ماده — سفر برلك ایجاب کوره یا عمومی و یا قسمی اولور .

درنجی ماده — سفر برلكه عائد احضارات تکمیل حضر مدتیجه و سفر کده دوامی ائناسنده برنجیسی ملت و حکومت تشکیلات و شعباتنده، ایکنجیسی سالف الذکر تشکیلات و شعباتنده کی استحضاراته موازاة جمهوریت اردوسی « قره ، دکز و هوا قوتلری » اقسام و تشکیلاتنده اولوق اوزره ایکی ساحده جریان ایدر . بونلردن برنجیسی ملی سفر برلك تعلیماتنامه سنده و ایکنجیسی جمهوریت اردوسنک « قره ، دکز ، هوا قوتلرینک » سفر برلكنه دأر تعلیماتنامه یه توفیقاً اجرا اولونور .

بشنجی ماده — عیناً  
آلتنجی ماده — »

بشنجی ماده — بوقانون نشری تاریخندن معتبردر .  
آلتنجی ماده — بوقانونک احکامک اجراسنه اجرا  
وکیلری هیئتئ مأمورددر . ۲۸ کانون اول ۱۹۲۷  
مدافعه ملیه وکیلئ عدلیه وکیلئ باش وکیل  
مصطفی عبدالخالق محمود اسعد عصمت  
خارجیه وکیلئ داخلیه وکیلئ بحریه وکالتی وکیلئ  
دوقتور توفیق رشدی شکری قایا مصطفی عبدالخالق  
نافعه وکیلئ معارف وکیلئ مالیه وکالتی وکیلئ  
یحییج مصطفی نجاتی عصمت  
صحیه و معاونت اجتماعیه وکیلئ تجارت وکالتی وکیلئ زراعت وکیلئ  
دوقتور رفیق مصطفی رحمی مصطفی رحمی

